



CONCELLO DE FRIOL (LUGO)

ORDENANZA REGULADORA DA EXPEDICIÓN DAS TARXETAS DE ACCESIBILIDADE E TARXETAS DE ESTACIONAMENTO PARA PERSOAS CON MINUSVALÍA. -

Artigo 1.- Obxecto.- Ten por obxecto a presente ordenanza a regulación a nivel municipal da expedición da tarxeta de estacionamento para persoas con minusvalía e de accesibilidade de usuarios previstas nos artigos 27 e seguintes da Lei 8/97 de 20 de agosto de Accesibilidade e Supresión de Barreiras na Comunidade Autónoma de Galicia e nos seguintes artigos 50,51,52 e 53 do Decreto 35/2000 de 28 de xaneiro, polo que se aproba respectivamente o regulamento de desenvolvemento e execución da Lei antes citada, co fin de favorecer o uso dos transportes privados por persoas con graves problemas de mobilidade e para que o seu titular poida disfrutar de facilidades de estacionamento, e como documento acreditativo da situación de discapacidade en orde a favorecer o uso e disfrute do transporte.

Artigo 2.- Beneficiarios.- 1.- Poderán ser beneficiarios da tarxeta de estacionamento con carácter persoal e intransferible, aquelas persoas con minusvalía que teñan recoñecida a imposibilidade de uso do transporte público polo Equipo de Valoración e Orientación (EVO), dependentes das seccións de calificación e valoración de minusvalías da Vicepresidencia da Igualdade e do Benestar.

2.- Terán dereito á expedición da tarxeta de accesibilidade aqueles interesados os que se lles expedirá certificado de minusvalía, polos equipos de valoración e orientación, dependentes das seccións de calificación e valoración de minusvalías.

Artigo 3. Solicitudes.- Presentaranse segundo modelo oficial nas Dependencias Municipais, acompañando a seguinte documentación:

- Fotocopia do D.N.I.
- Certificado de Minusvalía.
- Dúas fotografías tamaño carnet
- Certificado de empadronamento.

Artigo 4.- Dereitos derivados das tarxetas

1.- A titularidade da tarxeta de estacionamento dá dereito a : autorización para que os vehículos ocupados por ditas persoas poidan deterse na vía pública durante o tempo imprescindible e sempre que non entorpezan a circulación rodada ou peatonal.

2.- A Tarxeta de accesibilidade de usuarios dará dereito o seu titular a disfrutar dos beneficios a que se refire a Lei e o Regulamento anteriormente citados.

Artigo 5.- Modalidades da tarxeta de estacionamento.- Cando o titular da tarxeta sexa unha persoa física, poderá utilizala en calquera vehículo no que se traslade, sexa ou non da súa propiedade, e sexa o titular da tarxeta o conductor do vehículo ou non.

Cando o titular da tarxeta sexa unha persoa xurídica deberá incluí-la matrícula ou matrículas dos vehículos habilitados para transportar ás persoas con graves problemas de mobilidade.

Cando se faga uso dos dereitos que confire esta tarxeta, ésta colocarse na parte interior do parabrisas dianteiro de forma que resulte claramente visible dende o exterior.

O modelo de tarxeta axustarase as características sinaladas no anexo III do Regulamento, que se establece no Decreto 35/2000 do 28 de xaneiro, da Consellería de Sanidade e Servizos Sociais.

Artigo 6.- Expedición de Tarxetas.- O expediente iníciase a instancia da persoa interesada. O Concello de Friol, remitirá copia da solicitude ó Equipo de Valoración e Orientación (EVO) da Vicepresidencia de Igualdade e do Benestar, no caso de que no certificado de minusvalía non veña recollido especificamente as dificultades para uso de transporte colectivo. Neste caso, o informe que emitan ó respecto, e será vinculante para a súa Concesión ou denegación a Xunta de Goberno Local.



CONCELLO DE FRIOL (LUGO)

As tarxetas de accesibilidade concedidas polo Concello terán validez en todo o territorio da Comunidade Autónoma de Galicia. En caso de cambio de enderezo do beneficiario dunha tarxeta de accesibilidade deberá solicita-lo traslado do expediente ó novo municipio de residencia.

En caso de que a calificación da minusvalía sexa permanente, a tarxeta caducará ós dez anos da concesión, e en caso de que a calificación da minusvalía sexa provisional, caducará cando remate o prazo que esta indique. Para a renovación seguirase o mesmo procedemento que para a concesión inicial.

Artigo 7.- Réxime Sancionador.- No suposto de que se detecte o uso indebido da tarxeta de estacionamento de maneira reiterada e debidamente probada, a citada tarxeta será retirada durante un prazo de dous anos, debendo o interesado volver inicia-lo procedemento para a súa nova expedición.

DISPOSICIÓN FINAL.- A presente ordenanza entrará en vigor unha vez fora publicada integramente no B.O.P. e transcorrido o prazo de 15 días previsto no artigo 65.2º da Lei 7/85, sendo de aplicación a partir dese mesmo día ata a súa derogación ou modificación expresa.

Anexo II

SOLICITUDE DE EXPEDICIÓN DE TARXETA DE ESTACIONAMENTO PARA PERSOAS CON MINUSVALIDEZ

Nome e apelidos:	
D.N.I. :	Data de Nacemento :
Domicilio :	
Teléfono de contacto :	
Domicilio a efectos de notificacións.	
Grado de minusvalidez:	Nº de expediente:
Duración: * Temporal	* Indefinida
En caso de actuar en representación, NOME E APELIDOS OU RAZÓN SOCIAL DO REPRESENTANTE :	
N.I.F.	
DOCUMENTO QUE ACREDITA A REPRESENTACIÓN:	

Deberá acompañarse da seguinte documentación: <input type="checkbox"/> D.N.I. (Orixinal e fotocopia) <input type="checkbox"/> Certificado de minusvalía (Orixinal e fotocopia) <input type="checkbox"/> 2 Fotografías tamaño Carnet <input type="checkbox"/> Certificado de empadramento
--

NOTA.- Estas tarxetas serán expedidas soamente ás persoas con residencia neste Concello, de Acordo co Decreto 35/2000 do 28 de xaneiro de 2000.(D.O.G. 29-02-2000).

Friol, a
(sinatura)

Sr. Alcalde - Presidente do Concello de Friol.
Friol, a de de ...-
O Alcalde- Presidente .- Don Antonio Muiña Pena.